

VAHAKN N. DADRIAN, The Role of Turkish Physicians in the World War I Genocide of Ottoman Armenians, Holocaust and Genocide Studies, 1986, vol. 1, № 2, pp. 169—192:

ՎԱՀԱԿՆ ԴԱԴՐՅԱՆ, Թուրք բժիշկների դերը առաջին համաշխարհային պատերազմի տարիներին արևմտահայերի ցեղասպանության մեջ:

Վ. Դադրյանը մասնագիտությամբ սոցիոլոգ լինելով հանդերձ, ուսումնասիրում է ցեղասպանության պատմությունը և նորանոր տվյալներ ու փաստաթղթեր որոնում Օղեռնի մասին:

Վ. Դադրյանի հոդվածը շարադրված է եվրոպական փաստաթղթերի՝ մասնավորապես 1918—1921 թթ. բրիտանական հետախուզության տեղեկագրությունների, գերմանացի ակադեմիկոսների վկայությունների, ինչպես նաև Նրուադեմի հայոց պատրիարքարանում պահվող նյութերի հիման վրա: Դրանք հեղինակին հնարավորություն են տվել ապացուցելու, որ առաջին համաշխարհային պատերազմի ժամանակ թուրք բարբարոսների ձեռքով կազմակերպված հայկական կոտորածների գործադրման մեջ զգալի դեր է խաղացել նաև թուրքական բժշկական անձնակազմը, որն անմիջականորեն մասնակցել է հայ ժողովրդի նկատմամբ գործադրված վայրագություններին: Հեղինակը ներկայացրել է թուրք ոճրագործ բժիշկների ցանկը և կանգ է առել մասնավորապես երկու հայտնի բժիշկ քաղաքագետների՝ Իթթիհատի կենտկոմի անդամներ Նազըմի ու Բեհանդզին Շաքիրի վրա: Նրանք մեծ դեր են խաղացել հայերի ընաչնչման գլխավոր գործիք հանդիսացող Հատուկ կազմակերպության ջոկատների ստեղծման և ղեկավարման գործում: Այդ կազմակերպության մեջ համարյա ամբողջովին ներդրված են եղել մարդասպաններ ու պրոֆեսիոնալ ոճրագործներ, որոնք արդարադատության և ներքին գործերի մինիստրությունների հատուկ թույլտվությամբ բանտերից ազատ են արձակվել ու ընդգրկվել հիսունից մինչև երկու հարյուր հոգուց բաղկացած շարդարար ջոկատների (շեթեներ) մեջ: Այդ ջոկատները ղեկավարել է Օսմանյան զինվորական ակադեմիայի շրջանավարտ սպաների հատուկ խումբը:

1919 թ. ապրիլին թուրքական զինվորական ատյանի դատական նիստում ընթերցված ամբաստանագիրը դոկտոր Նազըմին ներկայացնում է որպես Հատուկ կազմակերպության ջոկատների գլխավոր կազմակերպիչ: Դատարանը հաստատում էր, որ այդ ջոկատները հիմնականում ստեղծված են եղել Ետեղահանի ջոկատները շարդելու և բնաջնջելու համար: Դոկտոր Նազըմին անչլիոզ ամբաստանագիրը նրան ներկայացնում է որպես Օղեռնի իրականացման վերջնական որոշում կայացնողներից մեկի: Վկայակոչվում է նրա արտահայտությունն այն մասին, թե հակահայկական միջոցառումների պլանն արհեստավել էր Կենտրոնական կոմիտեի հետ երկառուստե ու ամբողջական խորհրդակցությունից հետո և որ այդ միջոցառումների նպատակն էր «Արևելյան հարցի» լուծումը:

Դատական նիստերի ընթացքում Իթթիհատի մի շարք բարձրաստիճան ղեկավարների խոստովանությունները վերաբերել են շարդարարներին հավաքագրելու գործում դոկտոր Նազըմի խաղացած անմիտելի դերին:

Հոդվածում հետաքրքիր փաստեր են բերվում դոկտոր Բեհանդզին Շաքիրի ոճրագործությունների մասին: Լինելով Հատուկ կազմակերպության ջոկատների պարագլուխներից մեկը, նա զբաղեցրել է արևելյան նահանգներում գործող ջոկատների գլխավոր հրամանատարի պաշտոնը: Դատարանում նրա դեմ ամենածանրակշիռ մեղադրանքը ներկայացրել է Յ-րդ բանակի հրամանատար Վեհիբ փաշան, որը հետևյալ կերպ է եզրափակել իր վկայությունը. «Հայերի կոտորածն ու բնաջնջումը և նրանց ունեցվածքների կողոպտումը արդյունք էին «Իթթիհատի վե Թերաքի» որոշման, Բեհանդզին Շաքիրն այն մարդկանցից մեկն էր, որը Յ-րդ բանակի գոտում հավաքագրել և մարդ մորթող դահլիճների, ղեկավարեց ու օգտագործեց նրանց: Կառավարության ղեկավարները ենթարկվում էին Բեհանդզին Շաքիրի հրամաններին ու ցուցումներին, Յ-րդ բանակի գործառնության գոտում տեղի ունեցած բոլոր ողբերգությունները, բոլոր սպանումներն ու անբարոյական արարքները, այդ թվում կախաղանից մազապործների, արյունոտ ձեռքերով ու արնակալուծ աչքերով ժանդարմների հավաքագրումը նրա մեքենայությունների արդյունքն էին»:

Վ. Դադրյանը իր հողվածում նաև ցույց է տալիս, որ հայ ազգաբնակչության կոտորածները կազմակերպվում մեշ բացի վերոհիշյալ երկու բժիշկներից, անմասն չեն մնացել իրիթհադի հո-
 վանավորությունը վայելող բազմաթիվ այլ թուրք բժիշկներ ևս: Նա իր հողվածում առանձնաց-
 նում է հատկապես այնպիսի ոճրագործի, ինչպիսին էր դոկտոր Մեհմեդ Րեշիդը, որը 1915 թ.
 զբաղեցրել է Դիարբեքիրի կառավարչի պաշտոնը: Վերջինս անձամբ կազմակերպել է հարյուր
 քսան հազար հայերի տեղահանումը Դիարբեքիրից: Թուրքական աղբյուրներում առկա է հայերի
 կոտորածները կազմակերպելու մասին նրա կողմից արված հետևյալ պատճառաբանություն-խոս-
 տովանությունը. «Չնայած, որ մասնադիտովյալ բժիշկ եմ,—ասել է նա,—սակայն չեմ կարող
 ուրանալ իմ ազգությունը: Ես աշխարհ և՛ եկել որպես թուրք: Իմ ազգային ինքնությունն ամեն
 ինչից վեր է... Հայ դավաճաններն ապաստան էին գտել հայրենիքի ծոցում: Նրանք վտանգավոր
 մանրէներ էին: Միթե՞ բժիշկի պարականությունը չէ այս մանրէներից ոչնչացնելը: Կամ հա-
 յլրը պիտի վերացնեն թուրքին և տիրանային այս երկրին կամ էլ նրանք պիտի ոչնչացվեն
 թուրքի կողմից: Ես չէի կարող վարանել իմ ընտրության մեշ և կատարեցի ընտրությունս: Թուրք
 լինելու գերազանցի իմ բժշկական կոչումից: Իհարկե, խիղճս տանջում է ինձ, բայց և ես չէի
 կարող տևանել իմ երկրի կործանումը: Փակեցի իմ աչքերը և առանց վերապահության անցա
 գործի: Իսկ ինչ վերաբերում է պատմության առջև պատասխանատվություն ունենալուն, ապա
 հոգս չի, թե այլազգի պատմաբաններն ինչ կգրեն իմ մասին»:

Կոտորածներից հետո որոշ թուրք բժիշկներ խղճի թելադրանքով փորձել են մերկացնել իրենց
 գործընկերների անմարդկային գործողությունները: Այսպես, 1918 թ. թուրք հայտնի վիրաբույժ-
 ներից մեկը՝ Հայդար Զեմալը, բաց նամակ է հղել Թուրքիայի ներքին գործերի մինիստրին, որ-
 տեղ մերկացրել է կոտորածների ժամանակ բժիշկների կատարած ոճրագործությունները և դա-
 տապարտել նրանց անմարդկային սեփականությունները: Նամակում նշվում է, որ «1916 թ. սկզբին
 2-րդ բանակի առողջուպահության գլխավոր պաշտոնատարի հրահանգով, երբ բժավոր տիֆի հա-
 մաճարակը լուրջ սպառնալիք էր դարձել, նրանկայում տեղահանման ենթարկվող անմեղ հայե-
 րին ներարկել են բժավոր տիֆից տառապող հիվանդների արյուն՝ առանց վարակազերծելու: Այս
 փորձը, որը խուլյատրելի էր միմիայն կենդանիների վրա կատարելու, պատճառ դարձավ մեծ
 թվով անմեղ հայերի մահվան, որոնք հավատացած էին, թե ներարկումը բուժման նպատակների
 համար է: Նամակագիրն իր բողոքն ուղղելով ներքին գործերի մինիստրին, պահանջում էր
 պատասխանատվության ենթարկել հանցագործ բժիշկներին»:

Վ. Դադրյանի հողվածն ավարտվում է մի շարք ուշագրավ եզրակացություններով: Նա այն
 համոզման է, որ հայկական ցեղասպանության և երկրորդ աշխարհամարտի ժամանակ հրեա-
 ների բնաջնջման միջև առկա է զարմանալի նմանություն: Հարցը դիտելով թուրք և գերմանացի
 բժիշկների գործողությունների համադրման և նրանց մեթոդների նույնության տեսանկյունից,
 Վ. Դադրյանը եզրակացնում է, որ հայերի ջարդերը նախօրինակ և փորձադաշտ են եղել հետա-
 դայում գերմանական ֆաշիզմի կողմից հրեաների բնաջնջումը կազմակերպելու համար: Փաս-
 տական առկա նյութը բերում է այն համոզման, որ ֆաշիստ բժիշկները, ի դեմս թուրք բժիշկ-
 ների, Օսմանյան կայսրությունում ունեցել են իրենց ուսուցիչներին:

Վ. Դադրյանը դրա հետ մեկտեղ նկատում է, որ եղան նաև թուրք բժիշկներ, որոնք կյանքը
 վտանգելով պաշտպանեցին ու ապաստան տվեցին իրենց գործընկեր հայ բժիշկներին:

ՆՈՒՐԱՐ ՉԱԼԸՄՅԱՆ
 Պատմական գիտությունների թեկնածու